



NORAIMY menunjukkan satu daripada 11 hedgehog yang dipeliharanya.

Keunikan hedgehog pikat siswi

Putrajaya: Unik dan pelik. Itu yang membuatkan seorang penuntut jurusan Sains Perhutanan, Universiti Putra Malaysia (UPM) Noraimy Razali, 23, memilih haiwan eksotik seakan-akan landak mini dinamakan hedgehog sebagai binatang peliharaan.

Noraimy yang juga penuntut tahun akhir universiti berkenaan berkata, dia mula memelihara haiwan itu sejak setahun lalu selepas rakan lelaki menghadiahkan 'haiwan itu sempena hari jadi.

Menurutnya, pada mulanya, dia mahu memelihara sugar glider sebagai haiwan peliharaan, tetapi cara pen-

jagaannya remeh selain harga makanan yang agak mahal.

"Selepas mendapat hadiah hedgehog ini, saya terus mencari rujukan di Internet memandangkan ketika itu haiwan ini tidak begitu popular.

"Memang penjagaan haiwan ini tidaklah sesukar seperti sugar glider, tetapi penjaganya mestilah bertanggungjawab dan mengetahui selok-belok dan sikap haiwan ini," katanya.

Bagaimanapun, Noraimy berkata, haiwan yang diperlihara itu mati kerana sakit dan dia mendapatkan hedge-

hog baru kerana minat memelihara haiwan itu.

"Hedgehog adalah haiwan 'nocturnal' iaitu aktif pada waktu malam dan ia seakan-akan landak, tetapi bukan daripada keluarga haiwan berkenaan.

"Bagi sesiapa mahu memeliharanya, mereka perlu melayan dan memanjakan haiwan ini supaya ia biasa dan tidak takut dengan tuannya.

"Jika berasa terancam, haiwan ini akan menegakkan durinya serta mehgkulungkan diri seperti bola, malah ia boleh mengeluarkan bunyi seakan-akan tikus," katanya.